

金匱要

略

一

蘭化圖書館
Lan Hua Library

開化圖書館

Kaishwa Library

開化圖書館

Kaichua library

開化圖書館

Kaishua library

開化圖書館

Kaichua library

開化圖書館

Kaithua library

開化圖書館

Kaishua library

開化圖書館

Kaishua library



金

匱

要

略

方

論



四部叢刊子部

上海涵芬樓景印
明刊本原書板心
高營造尺六寸二
分寬四寸四分

新編金匱要畧方論序

張仲景為傷寒雜病論合十六卷今世但傳傷寒論十卷
雜病未見其書或於諸家方中載其一二矣翰林學士王
洙在館閣日於蠹簡中得仲景金匱玉函要畧方三卷上
則辯傷寒中則論雜病下則載其方并療婦人乃錄而傳
之士流纔數家耳嘗以對方證對者施之於人其効若神
然而或有證而無方或有方而無證救疾治病其有未備
國家詔儒臣校正醫書臣竒先校定傷寒論次校定金匱
玉函經今又校成此書仍以逐方次於證候之下使倉卒
之際便於檢用也又採散在諸家之方附於逐篇之末以

廣其法以其傷寒支多節畧故取自雜病以下終於飲食
禁忌凡二十五篇除重複合二百六十二方勒成上中下
三卷依舊名曰金匱方論臣竒嘗讀魏志華佗傳云出書
一卷曰此書可以活人每觀華佗凡所療病多尚竒怪不
合聖人之經臣竒謂活人者必仲景之書也大哉炎農聖
法屬我

盛旦恭惟

主上不承大統撫育元元頒行方書拯濟疾苦使和氣盈
溢而萬物莫不盡和矣

太子右贊善大夫臣高保衡

尚書都官員外郎臣孫奇

尚書司封郎中充秘閣校理臣林億等傳上
仲景金匱錄岐黃素難之方近將千卷患其混雜
煩重有求難得故周沅華裔九州之內收合奇異
摭拾遺逸揀選諸經筋髓以為方論一編其諸救
療暴病使知其次第凡此藥石者是諸仙之所造
服之將來固無天橫或治療不早或被師誤幸具
詳焉

宋學士王洙得是書於蠹簡林億等雖校理重刻
元金以來世寡經見諸家或載金匱方治多於他

書中得之耳不然何未有一人能語其真末者嗟
予小子幸獲伏讀敢不寶惜山南真逸俞樾識

開化圖書
Hanna Libria



新編金匱要畧方論目錄

卷之上

臟腑經絡先後第一

痊濕腸第二

括樓桂枝湯

大承氣湯

桂枝附子湯

甘草附子湯

瓜蒂散

百合狐惑陰陽毒第三



葛根湯 麻黃杏仁湯

麻黃加朮湯

白朮附子湯

白虎人參湯

防己黃耆湯

全圖醫方
目録
百合知母湯

滑石代赭湯

百合雞子湯

百合地黄湯

百合洗方

栝樓牡蠣散

百合滑石散

甘草瀉心湯

雄黃燻方

赤小豆當歸散

升麻鱉甲湯

瘧病第四

鱉甲煎丸

白虎加桂枝湯

蜀漆散

附方

用

牡蠣湯

柴胡去半夏加栝樓湯

柴胡桂姜湯

中風歷節第五

侯氏黑散

風引湯

防風地黃湯

頭風摩散

桂枝芍藥知母湯

烏頭湯

礬石湯

附方

續命湯

三黃湯

木附湯

八味圓

越婢加木湯

血痺虛勞第六

桂枝五物湯

桂枝加龍骨牡蠣湯

天雄散

小建中湯

黃芪建中湯

大黃廔虫丸

酸棗湯

署預丸

附方

炙甘草湯

懶肝散

肺痿肺癰咳嗽上氣第七

甘草乾姜湯

射干麻黃湯

皂莢丸

厚朴麻黃湯

澤漆湯

麥門冬湯

葶歷大棗瀉肺湯

桔梗湯

越婢加半夏湯

小青龍加石膏湯

附方

生姜甘草湯

生姜湯

桂枝湯

桔梗白散

葶莖湯

奔豚氣第八

奔豚湯

桂枝加桂湯

茯苓桂枝甘草大棗湯

胸痺心痛短氣第九

金匱要略

卷

三

括樓薤白酒湯

括樓薤白半夏湯

枳實薤白桂枝湯

人參湯

茯苓杏仁甘草湯

橘皮枳實生姜湯

薏苡附子湯

桂枝生姜枳實湯

赤石脂丸

九痛丸

腹滿寒疝宿食第十

厚朴七物湯

附子粳米湯

厚朴三物湯

大柴胡湯

大承氣湯

大建中湯

大黃附子湯

赤丸

烏頭煎

當歸生姜羊肉湯

烏頭桂枝湯

桂枝湯

附方

瓜蒂散

柴胡桂枝湯

走馬湯

卷之中

五臟風寒積聚第十一

麻子仁丸

甘草乾姜茯苓白朮湯

痰飲咳嗽第十二

茯苓桂枝白朮甘草湯

五苓散

甘遂半夏湯

十棗湯

大青龍湯

小青龍湯

木防已湯

木防已加茯苓芒硝湯

澤瀉湯

厚朴木黃湯

小半夏湯

防已椒目葶藶大黃丸

小半夏加茯苓湯

附方

茯苓飲

茯苓桂枝五味甘草湯

茯苓五味姜辛湯

桂苓去桂加姜辛夏湯

茯苓姜味辛仁湯

茯苓姜味辛夏仁湯

消渴小便利淋第十三

文蛤散

括萋瞿麥丸

蒲灰散

滑石白魚散

茯苓戎鹽湯

猪苓湯

水氣病第十四

防己黃耆湯

越婢湯

防己茯苓湯

甘草麻黃湯

附子麻黃湯

杏子湯

金匱要略
目錄
王
黃耆身考藥桂枝舌酒湯

桂枝加黃耆湯

桂姜草棗黃辛附湯

枳實木湯

黃疸病第十五

茵陳蒿湯

消石礬石散

梔枳大黃湯

猪膏髮煎

茵陳五苓散

大黃黃蘗梔硝湯

附方

麻黃醇酒湯

驚悸吐衄下血胸滿瘀血第十六

桂枝去芍藥加蜀漆牡蠣龍骨救逆湯

半夏麻黃丸

柏葉湯

黃土湯

瀉心湯

嘔吐藏下利第十七

茱萸湯

半夏瀉心湯

黃芩加半夏生姜湯

猪苓散

四逆湯

小柴胡湯

大半夏湯

大黃甘草湯

茯苓澤瀉湯

文蛤湯

半夏乾姜散

生姜半夏湯

橘皮湯

橘皮竹茹湯

四逆湯

桂枝湯

小承氣湯

桃花湯

白頭翁湯

梔子豉湯

通脉四逆湯

紫參湯

訶梨勒散

附方

黃芩湯

瘡癰腸癰浸淫第十八

薏苡附子敗醬散 大黃牡丹湯

王不留行散 排膿散

跌蹙手指臂膊轉筋陰狐疝蛇虫第十九

雞屎白散 蟹蛛散

甘草粉蜜湯 烏梅丸

卷之下

婦人妊娠第二十

桂枝茯苓丸 膠艾湯

當歸芍藥散 乾姜人參半夏丸

當歸貝母苦參丸

葵子茯苓散

當歸散

白朮散

婦人產後病第二十一

枳實芍藥散

下瘀血湯

竹葉湯

白頭翁加甘草阿膠湯

竹皮大丸

附方

三物黃芩湯

內補當歸建中湯

婦人雜病第二十二

半夏厚朴湯

甘草小麥湯

溫經湯

土瓜根湯

旋復花湯

大黃甘遂湯

抵當湯

礬石丸

紅藍花酒

當歸芍藥散

小兒疳虫蝕齒方

蛇床子散

狼牙湯

雜療第二十三

四時加減柴胡飲

長服訶梨勒丸

三物備急丸

紫石寒食散

救卒死方 共五方

救卒死而壯熱方

救卒死而目閉者方

救卒死而張口反折者方

救卒死而四肢不收失便方

治尸蹙方 共二方

救小兒卒死而吐利不知何病方

救卒死客忤方 二方 救自縊死方

療中腸方

救溺死方

馬墜及一切筋骨損方

禽獸虫魚禁忌第二十四

治自死六畜肉中毒

治食霉肉漏脯中毒方

治食生肉中毒方

治黍米中藏乾脯食之中毒方

治食六畜鳥獸肝中毒方

治馬肝毒中人未死方_二

治食馬肉中毒欲死方_二

治食噉蛇牛肉欲死方_三

治食牛肉中毒方 治食犬肉不消成病方

治食鳥獸中箭肉毒方

治食鱠不化成癥病方 二

治食魚後食毒兩種煩亂方

治食鯪鯪魚中毒方 治食蠟中毒方 二

菓實菜穀禁忌第二十五

治食諸菓中毒方

食諸菌中毒悶亂欲死方

食躁或躁方

治誤食鈎吻殺人解之方

治誤食水菘菹中毒

治食芹菜中龍精毒方

治食苦瓠中毒方

治凡飲食中毒方

貪食食多不消必腹堅滿痛治之方

開化圖
k a z h u a

新編金匱要略方論目錄終

北京圖書館
Beihua Library

新編金匱要畧方論卷之上

尚書司封郎中充秘閣校理臣林億等詮次

晉 王叔和集

漢 張仲景述

臟腑經絡先後病脉證第一

論十三首 脉證二條

問曰上工治未病何也○師曰夫治未病者見肝之病
知肝傳脾當先實脾四季脾王不受邪即勿補之中
工不曉相傳見肝之病不解實脾惟治肝也夫肝之
病補用醋助用焦苦益用甘味之藥調之酸入肝焦

苦入心甘入脾脾能傷腎腎氣微弱則水不行水不行則心火氣盛心火氣盛則傷肺肺被傷則金氣不行金氣不行則肝氣盛故實脾則肝自愈此治肝補脾之要妙也肝虛則用此法實則不在用之經曰虛虛實實補不足損有餘是其義也餘藏隸此

夫人稟五常因風氣而生長風氣雖能生萬物亦能害萬物如水能浮舟亦能覆舟若五臟元真通暢人即安和客氣邪風中人多死千般災難不越三條一者經絡受邪入臟腑為內所因也二者四肢九竅血脉相傳壅塞不通為外皮膚所中也三者房室金刃

蟲獸所傷以凡詳之病由都盡若人能養慎不令邪
風干忤經絡適中經絡未流傳腑臟即醫治之四肢
才覺重滯即導引吐納鍼灸膏摩勿令九竅閉塞更
能無犯王法禽獸灾傷房室勿令竭之服食節其冷
熱苦酸辛甘不遺形體有衰病則無由入其腠理腠
者是三焦通會元真之處為血氣所注理者是皮膚
臟腑之文理也

問曰病人有氣色見於面部願聞其說師曰鼻頭色青

腹中痛苦冷者死

一云腹中冷苦痛者死

鼻頭色微黑者有水

氣色黃者胸上有寒色白者亡血也設微赤非時者

死其目正圓者痊不治又色青爲痛色黑爲勞色赤
爲風色黃者便難色鮮明者有留飲

師曰病人語聲寂然喜驚呼者骨節間病語聲喑

然不徹者心膈間病語聲啾然細而長者頭中病

一作痛

師曰息搖肩者心中堅息引胸中上氣者欬息張口

短氣者肺痿唾沫

師曰吸而微數其病在中焦實也當下之即愈虛者
不治在上焦者其吸促在下焦者其吸遠此皆難治
呼吸動搖振二者不治

師曰寸口脉動者因其王時而動假令肝王色青四時各隨其色肝色青而反色白非其時色脉皆當病問曰有未至而至有至而不至有至而不去有至而太過何謂也○師曰冬至之後甲子夜半少陽起少陽之時陽始生天得溫和以未得甲子天因溫和此爲未至而至也以得甲子而天未溫和此爲至而不至也以得甲子而天大寒不解此爲至而不去也以得甲子而天溫如盛夏五六月時此爲至而太過也師曰病人脉浮者在前其病在表浮者在後其病在裏腰痛背強不能行必短氣而極也

金匱要略卷之一
問曰經云厥陽獨行何謂也○師曰此為有陽無陰故
稱厥陽

問曰寸脉沉大而滑沉則為實滑則為氣實氣相傳血
氣入臟即死入腑即愈此為卒厥何謂也○師曰唇
口青身冷為入臟即死如身和汗自出為入腑即愈
問曰脉脫入臟即死入腑即愈何謂也○師曰非為一
病百病皆然譬如浸淫瘡從口起流向四肢者可治
從四肢流來入口者不可治病在外者可治入裏者
即死

問曰陽病十八何謂也○師曰頭痛項腰脊臂脚掣痛

陰病十八何謂也○師曰欬上氣喘噦咽腸鳴脹滿
心痛拘急五臟病各有十八合爲九十病人又有六
微微有十八病合爲一百八病五勞七傷六極婦人
三十六病不在其中清邪居上濁邪居下大邪中表
小邪中裏繫飢之邪從口入者宿食也五邪中人各
有法度風中於前寒中於暮溫傷於下霧傷於上風
令脉浮寒令脉急霧傷皮膚溼流關節食傷脾胃極
寒傷經極熱傷絡

問曰病有急當救裏救表者何謂也○師曰病醫下之
續得下利清穀不止身體疼痛者急當救裏後身體

疼痛清便自調者急當救表也○夫病痼疾加以卒病當先治其卒病後乃治其痼疾也

師曰五臟病各有得者愈五臟病各有所惡各隨其所不喜者為病病者素不應食而反暴思之必發熱也○夫諸病在臟欲攻之當隨其所得而攻之如渴者與猪苓湯餘皆倣此

○瘧濕暍病脉證治第二

論一首 脉證十二條 方十一首

太陽病發熱無汗反惡寒者名曰剛瘧一作瘧○太陽

病發熱汗出而不惡寒名曰柔瘧○太陽病發熱脉沉

而細者名曰瘧為難治○太陽病發汗太多因致瘧○
夫風病下之則瘧復發汗必拘急○瘡家雖身疼痛不
可發汗汗出則瘧

病者身熱足寒頸項強急惡寒時頭熱面赤目赤獨頭
動搖卒口噤背反張者瘧病也若發其汗者寒濕相得
其表益虛即惡寒甚發其汗已其脉如蛇一云其脉滄滄○暴

腹脹大者為欲解脉如故反伏弦者瘧○夫瘧脉按之
緊如弦直上下行一作築二而弦脉經云瘧家其脉伏堅直上下○瘧病有灸

瘡難治○脉經云瘧家其脉伏堅直上下

太陽病其證備身體強几几然脉反沉遲此為瘧括樓

桂枝湯主之

括萋桂枝湯方

括萋根 二兩

桂枝 三兩

芍藥 三兩

甘草 二兩

生姜 三兩

大棗 十二枚

右六味以水九升煮取三升分温三服取微汗

汗不出食頃啜熱粥發之

太陽病無汗而小便反少氣上衝胸口噤不得語欬作

剛瘕葛根湯主之

葛根湯方

葛根 四兩

麻黃 三兩 去節

桂 二兩 去皮

芍藥二兩

甘草二兩

生姜三兩

大棗十二枚

右七味咬咀以水一升先煮麻黃葛根減二升

去沫內諸藥煮取三升去滓溫服乙升覆取微

似汗不須啜粥餘如桂枝湯法將息及禁忌

瘥為病

一本瘥字上有剛字胸滿口噤卧不着席脚挛急必齧齒

可與大承氣湯

大承氣湯方

大黃四兩

厚朴半斤

枳實五枚

芒硝三合

右四味以水一斗先煮二物取五升去滓內大黃煮取二升去滓內芒硝更上火微一二弗分温再服得下止服

太陽病關節疼痛而煩脉沉而細

緩一作

者此名濕痺

王

云中

濕痺之候小便不利大便反快但當利其小便○

濕家之為病一身盡疼

一云

發熱身色如熏黃也○濕

家其人但頭汗出背強欲得被覆向火若下之早則噦

或胸滿小便不利

一云

古上如胎者以丹曰有熱胸上

有寒渴欲得飲而不能飲則口燥煩也○濕家下之額

上汗出微喘小便利

一云

者死若下利不止者亦死○

風濕相搏一身盡疼痛法當汗出而解值天陰雨不止
醫云此可發汗之病不愈者何也蓋發其汗大出
者但風氣去濕氣在是故不愈也若治風濕者發其汗
但微似欲出汗者風濕俱去也○濕家病身疼發熱
面黃而喘頭痛鼻塞而煩其脉大自能飲食腹中和無
病病在頭中寒濕故鼻塞內藥鼻中則愈脉經云病人
病以下至而喘十三字○濕家身煩疼可與麻黃加木湯發其汗
為宜慎不可以火攻之

麻黃加木湯方

麻黃

三兩
去節

桂枝

二兩
去皮

甘草

二兩
炙

杏仁七十箇白木四

右五味以水九升先煮麻黃減二升去上沫內

諸藥煮取二升半去滓溫服八合覆取微似汗

病者一身盡疼發熱日晡所劇者名風濕此病傷於汗

出當風或久傷取冷所致也可與麻黃杏仁薏苡甘草

湯

麻黃杏仁薏苡甘草湯方

麻黃去節半甘草一兩

薏苡仁兩

杏仁十箇皮火炒

右剉麻豆大每服四錢七水盞半煮八分去滓

溫服有微汗避風

風濕脉浮身重汗出惡風者防已黃耆湯主之

防已黃耆湯方

防已一两

甘草半两

白朮七錢

黃耆一两一分去蘆

右剉麻豆大每抄五錢七生姜四片大棗一枚

水盞半煎八分去滓溫服良久再服○喘者加

麻黃兩半○胃中不和者加芍藥三分○氣上衝者

加桂枝三分○下有陳寒者加細辛三分○服後當

如虫行皮中從腰下如水後坐被上久以一被

繞腰以下溫令微汗差

傷寒八九日風濕相搏身體疼痛不能自轉側不嘔不渴脈浮虛而濡者桂枝附子湯主之若大便堅小便自利者去桂加白朮湯主之

桂枝附子湯方

桂枝四兩 去皮

生姜三兩 切

附子三枚 炮去皮破八片

甘草二兩 炙

大棗十二枚 擘

右五味以水六升煮取二升去滓分溫三服

白朮附子湯方

白朮二兩

附子一枚 炮去皮 甘草一兩 炙

生姜一兩半切 大棗六枚

右五味以水三升煮取一升去滓分溫三服一服覺身痺半日許再服三服都盡其人如冒狀勿怪即是木附竝走皮中逐水氣未得除故耳風濕相搏骨節疼煩掣痛不得屈伸近之則痛劇汗出短氣小便不利惡風不欲去衣或身微腫者甘草附子湯主之

甘草附子湯方

甘草二兩炙 附子二枚炮去皮 白朮二兩

桂枝四兩去皮

右四味以水六升煮取三升去滓溫服一升日
三服初服得微汗則解能食汗出復煩者服五
合恐一升多者服六七合為妙

太陽中暍發熱惡寒身重而疼痛其脈弦細訖遲小便
已洒然毛聳手足逆冷小有勞身即熱口前開板齒
燥若發其汗則其惡寒甚加溫針則發熱甚數下之則
淋甚

太陽中熱者暍是也汗出惡寒身熱而渴白虎加入參
湯主之

白虎人參湯方

知母六兩

石膏一斤碎

甘草二兩

粳米六合

人參三兩

右五味以水一斗煮米熟湯成去滓溫服一升

日三服

太陽中暍身熱疼重而脉微弱此以夏月傷冷水水行皮中所致也一物蒺藜湯主之

一物蒺藜湯方

蒺藜二匕

右剉以水一升煮取五合去滓頓服

○百合狐惑陰陽毒病證治第三

論一首

脉證三條

方十一首

論曰百合病者百脉一宗悉致其病也意欲飲食復不能
食常默然欲卧不能卧欲行不能行飲食或有美時或
有不用聞食臭時如寒無寒如熱無熱口苦小便赤諸
藥不能治得藥則劇吐利如有神靈者身形如和其脉
微數每溺時頭痛者六十日乃愈若溺時頭不痛漸然
者四十日愈若溺快然但頭眩者二十日愈其證或未
病而預見或病四五日而出或病二十日或一月微見
者各隨證治之
百合病發汗後者百合知母湯主之

百合知母湯方

百合七枚

知母三兩

右先以水洗百合漬一宿當白沫出去其水更以泉水二升煎取一升去滓別以泉水二升煎知母取一升去滓後合和煎取一升五合分温再服

百合病下之後者滑石代赭湯主之

滑石代赭湯方

百合七枚

滑石三兩碎

代赭石彈大一枚綿裹

右先以水洗百合漬一宿當白沫出去其水更

金匱要略卷之十一
卷十一
十一
以泉水二升煎取一升去滓別以泉水二升煎
滑石代赭取一升去滓後合和重煎取一升五
合分溫服

百合病吐之後者用後方主之

百合雞子湯方

百合七枚

雞子黃一枚

右先以水洗百合漬一宿當白沫出去其水更
以泉水二升煎取一升去滓內雞子黃攪勻煎
五分溫服

百合病不經吐下發汗病形如初者百合地黃湯主之

百合地黄湯方

百合七枚

生地黄汁一升

右以水洗百合漬一宿當白沫出去其水更以泉水二升煎取一升去滓內地黃汁煎取一升五合分温再服中病勿更服大便常如漆

百合病一月不解變成渴者煮百合洗方主之

百合洗方

右以百合一升以水一斗漬之一宿以洗身洗已食者餅勿以鹽鼓也

百合病渴不差者用後方主之

括萋牡蠣散方

括萋根

牡蠣熬等分

右為細末飲服方寸七日三服

百合病變發熱者

二作發寒熱

百合滑石散主之

百合滑石散方

百合一兩

滑石三兩

右為散飲服方寸七日三服當微利者止服熱

則除

百合病見於陰者以陽法救之見於陽者以陰法救之見陽攻陰復發其汗此為逆見陰攻陽乃復下之此亦

為逆

狐惑之為病狀如傷寒熱默欲眠目不得閉卧起不安
蝕於喉為惑蝕於陰為狐不欲飲食惡聞食臭其面目
乍赤乍黑乍白蝕於上部則聲喝一作甘草瀉心湯主
之

甘草瀉心湯方

甘草四兩

黃芩

人參

乾姜各三兩

黃連九兩

大棗十二枚

半夏半斤

右七味水一斗煮取六升去滓再煎溫服一升

日三服蝕於下部則咽乾苦參湯洗之

蝕於肛者椎黃熏之

椎黃熏方

右一味為末筒瓦二枚合之燒向肛熏方

脉經云病人或從呼吸上蝕其咽或從下焦飲其肛陰蝕上為惑飲下為狐狐惑病者猪苓散之主之

病者脉數無熱微煩默默但欲卧汗出初得之三四日

目赤如鳩眼七八日日四眦一本此有黃字黑若能食者膿已

成也赤豆當歸散主之

赤小豆當歸散方

赤小豆

三升浸令牙出曝乾

當歸

右二味杵為散漿水服方寸七日三服

陽毒之為病面赤班班如錦文咽喉痛唾膿血五日可

治七日不可治升麻鱉甲湯主之

陰毒之為病面目青身痛如被杖咽喉痛五日可治七

日不可治升麻鱉甲湯去雄黃蜀椒主之

升麻鱉甲湯方

升麻

二兩

當歸

一兩

蜀椒

炒去汁一兩

甘草

二兩

鱉甲

手指大一片炙雄黃研半兩

右六味以水四升煮取一升頓服之老小再服

取汗

肘後千金方陽毒用升麻湯無鱉甲有桂陰毒用甘草湯無雄黃

瘧病脈證并治第四

證二條

方六首

師曰瘧脈自弦弦數者多熱弦遲者多寒弦小緊者下
之差弦遲者可溫之弦緊者可發汗針灸也浮大者可
吐之弦數者風發也以飲食消息止之

病瘧以月一日發當以十五日愈設不差當月盡解如
其不差當去何師曰此結為癥瘕名曰瘧毋急治之宜

鱉甲煎丸

用

驚甲煎丸方

驚甲 十二分

烏扇 三分

黃芩 三分

柴胡 六分

鼠婦 三分

乾姜 二分

大黃 三分

芍藥 五分

桂枝 三分

葶藶 一分

石韋 三分

厚朴 三分

牡丹 五分

瞿麥 二分

紫盛 三分

半夏 一分

人參 一分

麝虫 五分

附膠 三分

蜂窠 四分

赤消 十二分

蟻蛭 六分

桃仁 二分

右二十三味為末取鍛竈下灰一斗清酒一斛

五斗浸灰候酒盡一半着鱉甲於中煮令泛爛
如膠漆絞取汁內諸藥煎為丸如梧子大空心
服七丸日三服

千金方用鱉甲十二片又以海藻三分大戟一分
蟾蜍五分無鼠婦赤消二味以鱉甲煎和諸
藥為丸

師曰陰氣孤絕陽氣獨發則熱而少氣煩寃手足熱而
欲嘔名曰瘧若但熱不寒者邪氣內藏於心外舍分
肉之間令人消鑠脫肉

溫瘧者其脉如平身無寒但熱骨節疼煩時嘔白虎加
桂枝湯主之

用

白虎加桂枝湯方

知母六兩

甘草二兩

石膏一斤

粳米二合

桂去皮 三兩

右剉每五錢水一盞半煎至八分去滓溫服汗

出即愈

瘧多寒者名曰牡瘧蜀漆散主之

蜀漆散方

蜀漆燒去腥

雲母燒二日夜

龍骨等分

右三味杵為散未發前以漿水服半錢○溫瘧

加蜀漆半分臨發時服一錢一方雲母作雲實

附外臺秘要方

牡蠣湯治牡瘡

牡蠣四兩 熬

麻黃去節 四兩

甘草二兩

蜀漆三兩

右四味以水八升先煮蜀漆麻黃去上沫得六

升內諸藥煮取二升溫服一升若吐則勿更服

柴胡去半夏加括萎湯治瘡病發渴者亦治

勞瘡

柴胡八兩

人參

黃芩

甘草各三兩

括萎根四兩

生姜二兩

大棗十二枚

右七味以水一斗二升煮取六升去滓再煎取

三升温服一升日二服

柴胡桂薑湯治瘧寒多微有熱或但寒不熱

服一劑如神

柴胡斤半

桂枝三兩 去皮

乾姜二兩

括蔞根四兩

黃芩三兩

牡蠣三兩 熬

甘草二兩 炙

右七味以水一斗二升煮取六升去滓再煎取

三升温服一升日三服初服微煩復服汗出便

愈

○中風歷節病脉證并治第五

論一首

脉證三條

方十二首

夫風之爲病當半身不遂或但臂不遂者此爲痺脉微而數中風使然○寸口脉浮而緊緊則爲寒浮則爲虛寒虛相搏邪在皮膚浮者血虛絡脉空虛賊邪不瀉或左或右邪氣反緩正氣即急正氣引邪喎僻不遂邪在於絡肌膚不仁邪在於經即重不勝邪入於腑即不識人邪入於臟舌即難言口吐涎

侯氏黑散治大風四肢煩重心中惡寒不足

者外臺治
風癩

菊花分四十

白朮分十

細辛分三

茯苓分三

牡蠣分三

桔梗分八

防風分十

人參分三

礬石分三

黃芩分五

當歸分三

乾姜分三

芎藭分三

桂枝分三

右十四味杵為散酒服方寸一日一服初服二
十日溫酒調服禁一切魚肉大蒜常宜冷食六
十日止即藥積在腹中不下也熱食即下矣冷
食自能助藥力

本草綱目

卷之

六

寸口脉遲而緩遲則為寒緩則為虛榮緩則為亡血衛
緩則為中風邪氣中經則身痒而癢疹心氣不足邪氣
入中則胸滿而短氣

風引湯除熱癰癩

大黃

乾姜

龍骨各四兩

桂枝三兩

甘草

牡蠣各二兩

寒水石

滑石

赤石脂

白石脂

紫石英

石膏各六兩

右十二味杵麤篩以韋囊盛之取三指撮井花
水三升煮三沸溫服一升治大人風引少小驚
癰瘕癰日數十後醫

所不療除熱方巢氏
云脚氣宜風引湯

防已地黃湯治病如狂狀妄行獨語不休無

寒熱其脉浮

防已錢一

桂枝錢三

防風錢三

甘草錢一

右四味以酒一盃漬之一宿絞取汁生地黃二

斤咬咀蒸之如斗米飯又以銅器盛其汁更絞

地黃汁和分再服

頭風摩散方

大附子炮一枚

鹽分等

右二味為散沫了以方寸匕已摩疾上令藥力
行

寸口脉沉而弱沉即主骨弱即主筋沉即為腎弱即為
肝汗出入水中如水傷心歷節黃汗出故曰歷節

跌陽脉浮而滑滑則穀氣實浮則汗自出

少陰脉浮而弱弱則血不足浮則為風風血相搏即疼
痛如掣盛入脉濇小短氣血汗出歷節疼不可屈伸此
皆飲酒汗出當風所致諸肢節疼痛身體尪羸脚腫如
脫頭眩短氣温温欬吐桂枝芍藥知母湯主之

桂枝芍藥知母湯方

桂枝兩四

芍藥兩三

甘草兩二

麻黃兩二

生姜兩五

白朮兩五

知母兩四

防風兩四

附子炮二兩

右九味以水七升煮取二升溫服七合日三服

味酸則傷筋筋傷則緩名曰泄醎則傷骨骨傷則痿名

曰枯枯泄相搏名曰斷泄榮氣不通衛不獨行榮衛俱

微三焦無所御四屬斷絕身體羸瘦獨足腫大黃汗出

脛冷假令發熱便為歷節也

痛歷節不可屈伸疼痛烏頭湯主之

烏頭湯方治脚氣疼痛不可屈伸

金匱要略卷之九 風濕痺痛 烏頭湯

麻黃

芍藥

黃芪

各三兩

甘草

川烏

五枚咬咀以蜜二升煎取一升即出烏豆

右五味咬咀四味以水三升煮取一升去滓內

蜜煎中更煎之服七合不知盡服之

礬石湯治脚氣冲心

礬石 二兩

右一味以漿水一斗五升煎三五沸浸脚良

附方

古今錄驗續命湯治中風痲身體不能自收

口不能言冒昧不知痛處或拘急不得轉側

云與大續命同兼治婦人
產後去血者及老人小兒

麻黃

桂枝

當歸

人參

石膏

乾姜

甘草

各三兩

芍藥

杏仁

四十枚

右九味以水一斗煮取四升當小汗薄覆脊憑
几坐汗出則愈不汗更服無所禁勿當風并治
但伏不得卧欬逆上氣面目浮腫

千金三黃湯治中風手足拘急百節疼痛煩

熱心亂惡寒經日不飲飲食

麻黃

五錢

獨活

四錢

細辛

二錢

金匱要略卷之十一
黃芪二錢

黃芩三錢

右五味以水六升煮取二升溫三服一服小汗
二服大汗心熱加大黃二錢腹痛加枳實一枚
氣逆加人參三錢悸加牡蠣三錢渴加括蕒根
三錢先有寒加附子一枚

近効方

朮附湯治風虛頭重眩苦極不知食味暖肌

補中益精氣

白朮二兩

附子一枚半

炮去皮

甘草

一兩

右三味剉每五錢匕姜五片棗一枚水盞半煎

七分去滓温服

崔氏八味丸治脚氣上入小腹不仁

乾地黄

八兩

山茱萸

署蕢

各四兩

澤瀉

茯苓

牡丹皮

各三兩

桂枝

附子

炮各一兩

右八味末之煉蜜和丸梧子大酒下十五丸日

再服

千金方越婢加朮湯治內極熱則身體津脫

腠理開汗大泄厲風氣下焦脚弱

麻黃

六兩

石膏

半斤

生姜

三兩

甘草二兩

白朮四兩

大棗十五枚

右六味以水六升先煮麻黃去上沫內諸藥煮取三升分溫三服○惡風加附子一枚炮

○血痺虛勞病脈證并治第六

論一首 脈證九條 方九首

問曰血痺病從何得之師曰夫尊榮人骨弱肌膚盛重困疲勞汗出卧不時動搖加被微風遂得之但以脈自微瀋在寸口關上小緊宜鍼引陽氣令脈和緊去則愈血痺陰陽俱微寸口關上微尺中小緊外證身體不仁如風痺狀黃耆桂枝五物湯主之

黃耆桂枝五物湯方

黃耆三兩

芍藥三兩

桂枝三兩

生薑六兩

大棗十二枚

右五味以水六升煮取二升溫服七合日三服

一方有人參

夫男子平人脈大為勞極虛亦為勞○男子面色薄者

主渴及亡血卒喘悸脈浮者裏虛也○男子脈虛沉弦

無寒熱短氣裏急小便不利面色白時目瞑兼衄小腹

滿此為勞使之然○勞之為病其脈浮大手足煩春夏

劇秋冬瘡陰寒精自出酸削不能行○男子脈浮弱而

瀉為無子精氣清冷一作冷○夫失精家小腹弦急陰頭

寒目眩一作目眩痛髮落脉極虛乳遲為清穀亡血失精脉

得諸乳動微緊男子失精女子夢交桂枝龍骨牡蠣湯

主之

桂枝加龍骨牡蠣湯方小品云虛弱浮熱汗出者除桂加白微附

子各三分故曰二加龍骨湯

桂枝

芍藥

生姜各三兩

甘草二兩

大棗十二枚

龍骨

牡蠣

右七味以水七升煮取三升分溫三服

天雄散方

天雄三兩炮

白朮八兩

桂枝六兩

龍骨三兩

右四味杵為散酒服半錢七日三服不知稍增之

男子平人脉虛弱經微者善盜汗也○人年五六十其病脉大者痺俠背行若腸鳴馬刀俠瘦者皆為勞得之○脉沉小遲名脫氣其人疾行則喘喝手足逆寒腹滿甚則瘡泄食不消化也○脉弦而大弦則為減大則為芤減則為寒芤則為虛虛寒相搏此名為革婦人則半

產漏下男子則亡血失精

虛勞裏急悸衄腹中痛夢失精四肢痠痛手足煩熱咽

乾口燥小建中湯主之

小建中湯方

桂枝

三兩 去皮

甘草

三兩 炙

大棗

十二枚

芍藥

八兩

生姜

二兩

膠飴

一斤

右六味以水七升煮取三升去滓內膠飴更上

微火消解溫服一升日三服

嘔家不可用建中湯以緝故也

千金療男女因積冷氣滯或大病後不服常苦四肢沉重骨肉痠疼兩兩少氣行動喘乏背滿氣急腰背強痛心中虛浮咽乾唇燥而體少色或飲食無味脇肋腹脹頭重不舉多卧少起甚

者積年輕者百日漸致瘦弱五藏氣竭則難可
復當六脉俱不足虛寒之氣少腹拘急羸瘠百
病名曰黃耆建中
湯又有人參二兩

虛勞裏急諸不足黃耆建中湯主之

於小建中湯內加黃耆一兩半餘依

上法○氣短胸滿者加生姜腰痛者去棗加茯苓一兩半及療肺虛損不足補氣加半夏三兩

虛勞腰痛少腹拘急小便不利者八味腎氣丸主之方見

脚氣中

虛勞諸不足風氣百疾薯蕷丸主之

薯蕷丸方

薯蕷三十分

當歸

桂枝

麴

乾地黄

豆黃卷各十分

甘草

二十分

人參

七分

芎藭

芍藥

白朮

麥門冬

杏仁

各六分

柴胡

桔梗

茯苓

各五分

阿膠

七分

乾姜

三分

白斂

二分

防風

六分

大棗

百枚為膏

右二十一味末之煉蜜和丸如彈子大空腹酒

服一九一百丸為劑

虛勞虛煩不得眠酸棗湯主之

酸棗湯方

酸棗仁

升一

甘草

兩一

知母

兩二

茯苓二兩

芎藭二兩

○深師有生
姜二兩

右五味以水八升煮酸棗仁得六升內諸藥煮
取三升分溫三服

五勞虛極羸瘦腹滿不能飲食食傷憂傷飲傷房室傷
饑傷勞傷經絡榮衛氣傷內有乾血肌膚甲錯兩目黯
黑緩中補虛大黃廩虫丸主之

大黃廩虫丸方

大黃十分

黃芩二兩

甘草三兩

桃仁升一

杏仁升一

芍藥四兩

乾地黄兩十

乾漆兩一

廩虫升一

水蛭

百枚

鱘鱠

一升

麈尾

半升

右十二味末之煉蜜為丸小豆大酒飲服五丸

日三服

附方

千金翼炙甘草湯

一云復脈湯

治虛勞不足汗出

而悶脉結悸行動如常不出百日危急者十

一日死

甘草

炙四兩

桂枝

生姜

各三兩

麥門冬

半斤

麻仁

半斤

人參

阿膠

各二兩

大棗

三十枚

生地黄

一斤

右九味以酒七升水八升先煮八味取三升去滓內膠消盡溫服一升日三服

肘後癩肝散治冷勞又主鬼症一門相染

癩肝一具炙乾末之水服方寸七日三服

○肺痿肺癰欬嗽上氣病脉證治第七

論三首

脉證四條

方十五首

問曰熱在上焦者因欬為肺痿肺癰之病何從得之師曰或從汗出或從嘔吐或從消渴小便利數或從便難又被快藥下利重亡津液故得之曰寸口脉數其人欬口中反有濁唾涎沫者何師曰為肺痿之病若口中辟

辟燥欬即胸中隱隱痛脉反滑數此為肺癰欬唾膿血
脉數虛者為肺痿數實者為肺癰○問曰病欬逆脉之
何以知此為肺癰當有膿血吐之則死其脉何類師曰
寸口脉微而數微則為風數則為熱微則汗出數則惡
寒風中於衛呼氣不入熱過於榮吸而不出風傷皮毛
熱傷血肺風舍於肺其人則欬口乾喘滿咽燥不渴時
唾濁沫時時振寒熱之所過血為之凝滯畜結癰膿吐
如米粥始萌可揉膿成則死○上氣面浮腫有息其脉
浮大不治又加利尤甚○上氣喘而躁者屬肺脹欬作
風水發汗則愈

肺痿吐涎沫而不咳者其人不可渴必遺尿小便數所以然者以上虛不能制下故也此為肺中冷必眩多涎唾甘草乾姜湯以溫之若服湯已渴者屬消渴

甘草乾姜湯方

甘草炙四兩

乾姜炮二兩

右以水三升煮取一升五合去滓分溫再服

欬而上氣喉中水雞聲射干麻黃湯主之

射干麻黃湯方

射干十三枚一法三兩麻黃四兩

生姜四兩

細辛

紫苑

欵冬花各三兩

五味子半升

大棗七枚

半夏大者洗八枚一法半斤

右九味以水一斗二升先煮麻黃兩沸去上沫

內諸藥煮取三升分溫三服

欵逆上氣時時唾濁但坐不得服皂莢丸主之

皂莢丸方

皂莢

八兩刮去皮用酥炙

右一味末之蜜丸梧子大以棗膏和湯服三丸

日三夜一服

欵而脉浮者厚朴麻黃湯主之

厚朴麻黃湯方

厚朴五兩

麻黃四兩

石膏如鷄子大

杏仁半升

半夏半升

乾姜二兩

細辛二兩

小麥一升

五味子半升

右九味以水一斗二升先煮小麥熟去滓內諸

藥煮取三升溫服一升日三服

脉沉者澤漆湯主之

澤漆湯方

半夏半升

紫參五兩一作紫苑

澤漆三斤以東流水五斗煮取斗五

生姜五兩

白前五兩

甘草

厚朴麻黃湯方

澤漆湯方

紫參

澤漆

黃芩

人參

桂枝

各三兩

右九味咬咀內澤漆汁中煮取五升溫服五合至夜盡

大逆上氣咽喉不利止逆下氣者麥門冬湯主之

麥門冬湯方

麥門冬七升

半夏一升

人參二兩

甘草二兩

粳米三合

大棗十二枚

右六味以水一斗二升煮取六升溫服一升日

三夜一服

肺癰喘不得卧葶藶大棗瀉肺湯主之

葶藶大棗瀉肺湯方

葶藶

炙令黃色搗丸如彈丸大

大棗

十二枚

右先以水三升煮棗取二升去棗內葶藶煮取一升頓服

欬而胸滿振脉寒數咽乾不渴時出濁唾腥臭久久吐膿如米粥者為肺癰桔梗湯主之

桔梗湯方

亦治血痺

桔梗

一两

甘草

二两

右二味以水三升煮取一升分温再服則吐膿血色

欬而上氣此為肺脹其人喘目如脫狀脉浮大者越婢加半夏湯主之

越婢加半夏湯方

麻黃六兩

石膏半斤

生姜三兩

大棗十五枚

甘草二兩

半夏半升

右六味以水六升先煮麻黃去上沫內諸藥煮取一升分溫三服

肺脹欬而上氣煩燥而喘脉浮者心下有水小青龍加石膏湯主之

小青龍加石膏湯方

千金證治同外臺加脇下痛引缺盆

麻黃

芍藥

桂枝

細辛

甘草

乾姜

各三兩

五味子

半夏

各半升

石膏

二兩

右九味以水一斗先煮麻黃去上沫內諸藥煮取三升強人服一升羸者減之日三服小兒服

四合

附方

外臺炙甘草湯治肺痿涎唾多心中溫溫液液者虧觀千金甘草湯

甘草

右一味以水三升煮減半分溫三服

千金生姜甘草湯治肺痿欬唾涎沫不止咽

燥而渴

生姜

五兩

人參

二兩

甘草

四兩

大棗

十五枚

右四味以水七升煮取三升分溫三服

千金桂枝去芍藥加皂莢湯治肺痿吐涎沫

桂枝

生姜

各三兩

甘草

二兩

大棗

十枚

皂莢

二枚去皮炙焦

右五味以水七升微微大煮取三升分溫三服

外臺桔梗白散治欬而胸滿振寒脉數咽乾
不渴時出濁唾腥臭又吐膿如米粥者為

肺癰

桔梗

貝母各三分

巴豆一分去皮熬研如脂

右三味為散強人飲服半錢七羸者減之病在
膈上者吐膿血膈下者瀉出若下多不止飲冷
水一盃

千金葦莖湯治欬有微熱煩滿胸中甲錯是
為肺癰

葦莖升二

薏苡仁升半

桃仁五十枚

瓜瓣半

右四味以水一斗先煮葦葉得五升去滓內諸

藥煮取二升服一升再服當吐如膿

肺癰胸滿脹一身面目浮腫鼻塞清涕出不聞香臭酸

辛欬逆上氣喘鳴迫塞葶歷大棗瀉肺湯主之方見上一

劑可至三四劑此先服小青龍湯一劑乃進小青龍方見欬嗽門中

○奔豚氣病脈證治第八

論二首 方三首

師曰病有奔豚有吐膿有驚怖有火邪此四部病皆從驚發得之師曰奔豚病從小腹起上衝咽喉發作欬死

復還止皆從驚恐得之

奔豚氣上衝胸腹痛往來寒熱奔豚湯主之

奔豚湯方

甘草

芎藭

當歸各二兩

半夏

四兩

黃芩

二兩

生葛

五兩

芍藥

二兩

生姜

四兩

甘李根白皮

一升

右九味以水二斗煮取五升溫服一升日三夜

一服

發汗後燒針令其汗針處被寒核起而赤者必發背豚氣從小腹上至心灸其核上各一壯與桂枝加桂湯主

之

桂枝加桂湯方

桂枝五兩

芍藥三兩

甘草三兩

生姜三兩

大棗十二枚

右五味以水七升微火煮取三升去滓温服一

升

發汗後臍下悸者欲作貧豚茯苓桂枝甘草大棗湯主

之

茯苓桂枝甘草大棗湯方

茯苓半斤

甘草二兩

大棗十五枚

桂枝四兩

右四味以甘爛水一斗先煮茯苓減二升內諸

藥煮取三升去滓溫服一升日三服甘爛水法取水二斗

置大盆內以杓揚之水上有珠子五六十顆相逐取用之

○胸痺心痛短氣病脈證治第九

論一首 脈證一條 方十首

師曰夫脈當取太過不及陽微陰弦即胸痺而痛所以然者責其極虛也今陽虛知在上焦所以胸痺心痛者以其陰弦故也○平人無寒熱短氣不足以息者實也○胸痺之病喘息欬唾胸背痛短氣寸口脈沉而遲關上小緊數用後方主之

金匱要略卷之十一
三十四
括萋薤白白酒湯方

括萋實一枚 薤白半升 白酒七升

右三味同煮取二升分溫再服

胸痺不得卧心痛徹背者括萋薤白半夏湯主之

括萋薤白半夏湯方

括萋實一枚 薤白三兩 半夏半斤

白酒斗

右四味同煮取四升溫服一升日三服

胸痺心中痞留氣結在胸膈滿脇下逆搶心枳實薤白
桂枝湯主之人参湯亦主之

枳實四枚

厚朴四兩

薤白半斤

桂枝一兩

栝蒌一枚

右五味以水五升先煮枳實厚朴取一升去滓
內諸藥煮數沸分溫三服

人參湯方

人參

甘草

乾姜

白木各三兩

右四味以水八升煮取三升溫服一升日三服

胸痺胸中氣寒短氣茯苓杏仁甘草湯主之橘枳姜湯
亦主之

茯苓杏仁甘草湯方

茯苓^{三兩} 杏仁^{五十箇} 甘草^{一兩}

右三味以水一斗煮取五升溫服一升日三服

不差更服

橘枳姜湯方

橘皮^{一斤} 枳實^{三兩} 生姜^{半斤}

右三味以水五升煮取二升分溫再服肘後千金云治

胸痺胸中福海如滿噎塞
習習如痒喉中澁唾燥沫

胸痺緩急者用後方主之

薏苡附子散方

薏苡仁十五 大附子十枚

右二味杵為散服方寸七日三服

心中痞諸逆心懸痛桂枝生姜枳實湯主之

桂枝枳實湯方

桂枝 生姜各三兩 枳實五枚

右三味以水六升煮取三升分溫三服

心痛徹背背痛徹心烏頭赤石脂丸主之

赤石脂丸方

蜀椒一兩一分 烏頭一分 附子半兩一分

乾姜一兩一分 赤石脂一兩一分

右五味末之蜜丸如梧子大先食服一九日三服

九痛丸治九種心痛

附子

三兩炮

生狼牙

一兩炙香

巴豆

一兩去皮心熬研如脂

人參

乾姜

吳茱萸

各一兩

右六味沫之煉蜜丸如梧子大酒下強人初服三九日三服弱者二丸○兼治卒中惡腹脹痛口不能言又治連年積冷流注心胸痛并冷腫上氣落馬墜車血疾等皆主之忌口如常法

○腹滿寒疝宿食病脉證治第十

論一首

脉證十六條

方十五首

趺陽脉微弦法當腹滿不滿者必便難兩胠疼痛此虛寒從下上也當以溫藥服之○病者腹滿按之不痛為虛痛者為實可下之舌黃未下者下之黃自去○腹滿時減復如故此為寒當與溫藥○病者痿黃躁而不渴胸中寒實而利不止者死○寸口脉弦者即脇下拘急而痛其人齋齋惡寒也○夫中寒家喜欠其人清涕出發熱色和者善噦○中寒其人下利以裏虛也欲噦不能此人肚中寒痛一云○夫瘦人繞臍痛必有風冷穀氣不行而反下之其氣必衝不衝者心下則痞也

病腹滿發熱十日脉浮而數飲食如故厚朴七物湯主之

厚朴七物湯方

厚朴半斤

甘草

大黃

各三兩

大棗十枚

枳實五枚

桂枝

二兩

生姜五兩

右七味以水一斗煮取四升温服八合日三服

○嘔者加半夏五合○下利去大黃○寒多者

加生姜至半斤

腹中寒氣雷鳴切痛胸脇逆滿嘔吐附子粳米湯主之

附子粳米湯方

附子炮一枚

半夏升半

甘草兩一

大棗枚十

粳米升半

右五味以水八升煮米熟湯成去滓温服一升

日三服

痛而閉者用後湯主之

厚朴三物湯方

厚朴兩八

大黃兩四

枳實枚五

右三味以水一斗二升先煮二味取五升内大

黃煮取三升温分一升以利為度

按之心下滿痛者此為實也當下之宜大柴胡湯主之

大柴胡湯方

柴胡斤半

黃芩兩三

芍藥兩二

半夏洗半升

枳實枚四

大棗兩二

大棗枚十二

生姜兩五

右八味以水一斗二升煮取六升去滓再煎温

服一升日三服

腹滿不減減不足言當瀆下之宜大承氣湯

大承氣湯方

大黃酒洗四兩

厚朴皮炙半斤去

枳實炙五枚

芒硝二合

右四味以水一斗先煮二物取五升去滓內大黃煮取二升內芒硝更上火微一二沸分溫再服得下餘勿服

心胸中大寒痛嘔不能飲食腹中寒上衝皮起出見有頭足上下痛而不可觸近宜用後湯

大建中湯方

蜀椒二合

乾姜四兩

人參二兩

右三味以水四升煮取二升去滓內膠飴一升微火煎取一升半分溫再服如一炊頃可飲粥

二升後更服當一日食糜溫覆之

脇下偏痛發熱其脉緊弦此寒也以溫藥下之宜用後

湯

大黃附子湯方

大黃三兩

附子三枚

細辛二兩

右三味以水五升煮取二升分溫三服若強人

煮取二升半分溫三服服後如人行四五里進

一服

寒氣厥逆赤丸主之

赤丸方

茯苓

四兩

半夏

四兩洗一
方用桂

烏頭

二兩
炮

細辛

一兩千金
作人參

右六味末之內真珠為色蜜煉丸如麻子大先
食酒飲下三丸日再夜一服不知稍增之以知

為度

腹痛脉弦而緊弦則衛氣不行即惡寒緊則不欲食邪
正相搏即為寒疝寒疝遶臍痛苦發則白汗出手足厥
冷其脉沉弦者大烏頭煎主之

烏頭煎方

烏頭

大者五枚熬
去皮不吐咀

右以水三升煮取一升去滓内蜜二升煎令水
氣盡取二升强人服七合弱人服五合不差明
日更服不可日再服

寒疝腹中痛及脇痛裏急者宜用後方

當歸生薑羊肉湯方

當歸三兩

生薑五兩

羊肉一斤

右三味以水八升煮取三升温服七合日三服
若寒多者加生薑成一斤痛多而嘔者加橘皮
二兩白朮一两加生薑者亦加水五升煮取三
升二合服之

寒疝腹中痛逆冷手足不仁若身疼痛灸刺諸藥不能
治抵當用後方

烏頭桂枝湯方

烏頭

右一味以蜜二斤煎減半去滓以桂枝湯五合
解之得一升後初服二合不知即服三合又不
知復加至五合其知者如醉狀得吐者為中病
桂枝湯方

桂枝三兩
去皮

芍藥三兩

甘草二兩
炙

生姜三兩

大棗十二枚

金匱要略方
卷上
四十一
右五味剉以水七升微火煮取三升去滓

其脉數而緊乃弦狀如弓弦按之不移脉數弦者當下
其寒脉緊大而遲者必心下堅脉大而緊者陽中有陰
可下之

附方

外臺烏頭湯治寒疝腹中絞痛賊風入攻五
臟拘急不得轉側發作有時瘦人陰縮手足

厥逆

上方見

外臺柴胡桂湯方治心腹卒中痛者

柴胡

四兩

黃芩

人參

芍藥

桂枝

生姜 各一兩半

甘草 一兩

半夏 二合

大棗 六枚

右九味以水六升煮取三升溫服一升日三服

外臺走馬湯治中惡心痛腹脹大便不通

巴豆 二枚去皮心熬 杏仁 二枚

右二味以綿纏搥令碎熱湯二合捻取白汁飲

之當下老小量之通治飛尸鬼擊病

問曰人病有宿食何以別之師曰寸口脉浮而大按之及濇尺中亦微而濇故知有宿食大承氣湯主之○脉數而滑者實此有宿食下之愈宜大承氣湯○下利不

飲食者有宿食也下之宜大承氣湯

大承氣湯方

見前瘕病中

宿食在上脘當吐之宜瓜蒂散

瓜蒂散方

瓜蒂

一分 熬黃

赤小豆

一分 煮

右二味杵為散以香豉七合煮取汁和散一錢匕

溫服之不吐者少加以快吐為度而止亡血及虛者不可與之

脉緊如轉索無常者有宿食也○脉緊頭痛風寒腹中

有宿食不化也一云寸口脉緊

新編金匱要畧方論卷上

開化圖書館

Kaishua library

開化圖書館

Kaichua library

開化圖書館

kaikua library

開化圖書館

Kaichua library

開化圖書館

Kaichua library



開化圖書館

Kaichua library

趙

開化圖書館

Kaithua library

開化圖書館

Wakuhwa Library

Blue

Cyan

Green

Yellow

Red

Magenta

White


3/Color

© The Tiffen Company, 2007

TIFFEN Color Control Patches

Centimetres

Inches




金匱要略 一

Wahne Library

Wahne Library

開化圖書

Kaishwa Library



Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color